



հավել

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՐԹՈՒԹՅԱՆ, ԳԻՏՈՒԹՅԱՆ, ՄՇԱԿՈՒՅԹԻ
ԵՎ ՍՊՈՐՏԻ ՆԱԽԱՐԱՐ

ՀՐԱՄԱՆ

No 27-Ա/2 Ա

«15» հունվար 2021

2021 ԹՎԱԿԱՆԻ (ՓԵՏՐՎԱՐ - ՄԱՐՏ ՔՆՆԱՇՐՋԱՆԻ)՝ ԴՐՍԵԿՈՒԹՅԱՆ ՁԵՎՈՎ (ԷՔՍԵՆՈՆ) ԱՎԱՐՏԱԿԱՆ ՔՆՆՈՒԹՅՈՒՆՆԵՐԻ ԿԱԶՄԱԿԵՐՊՄԱՆ ԵՎ ԱՆՑԿԱՑՄԱՆ ԱՇԽԱՏԱԿԱՐԳԸ ԵՎ ԺԱՄԱՆԱԿԱՑՈՒՅՑԸ ՀԱՍՏԱՏԵԼՈՒ ՄԱՍԻՆ

Ղեկավարվելով Հայաստանի Հանրապետության կրթության և գիտության նախարարի 2010 թվականի հոկտեմբերի 14-ի N 1507-Ն հրամանի հավելվածի 20-րդ կետի և 23-րդ կետի 1-ին ենթակետի պահանջներով՝

ՀՐԱՄԱՅՈՒՄ ԵՄ

- Հաստատել՝
 - «2021 թվականի՝ դրսեկության ձևով (էքստենոն) ավարտական քննությունների կազմակերպման և անցկացման (փետրվար-մարտ քննաշրջան) աշխատակարգը»՝ համաձայն N 1 հավելվածի:
 - «Հիմնական կրթության վկայական ստանալու համար դրսեկության ձևով քննությունների կազմակերպման (2021 թվականի փետրվար-մարտ քննաշրջան) ժամանակացույցը» և «Միջնակարգ կրթության ատեստատ ստանալու համար դրսեկության ձևով քննությունների կազմակերպման (2021 թվականի փետրվար-մարտ քննաշրջան) ժամանակացույցը»՝ համաձայն N 2 հավելվածի:
- 2021 թվականի բոլոր քննաշրջանների համար դրսեկության ձևով (էքստենոն) ավարտական քննություններ անցկացնելու իրավունքը վերապահել «Երևանի թիվ 198 ավագ դպրոց» պետական ոչ առևտրային կազմակերպությանը:
- Քննություններն անցկացնել 2021 թվականի փետրվարի 15-ից մինչև մարտի 15-ը ներառյալ:
- Հրամանի կատարման ապահովումը հանձնարարել նախարարության հանրակրթության վարչության պետին:

ՎԱՀՐԱՄ ԴՈՒՄԱՆՅԱՆ

15.01.2021

X

ՎԱՀՐԱՄ ԴՈՒՄԱՆՅԱՆ

Signed by: DUMANYAN VAHRAM 1909620211

Հավելված N1
Կրթության, գիտության, մշակույթի
և սպորտի նախարարի
2021թ. N հրամանի

ԱՇԽԱՏԱԿԱՐԳ
2021 ԹՎԱԿԱՆԻ՝ ԴՐՍԵԿՈՒԹՅԱՆ ՁԵՎՈՎ (ԷՔՍՏԵՌՆ) ԱՎԱՐՏԱԿԱՆ
ՔՆՆՈՒԹՅՈՒՆՆԵՐԻ ԿԱԶՄԱԿԵՐՊՄԱՆ ԵՎ ԱՆՑԿԱՑՄԱՆ
(ՓԵՏՐՎԱՐ - ՄԱՐՏ ՔՆՆԱՇՐՁԱՆ)

1. Հիմնական կրթության վկայական ստանալու համար դրսեկները 2021 թվականի փետրվար-մարտ քննաշրջանի ընթացքում «Համաշխարհային պատմություն», «Հայաստանի աշխարհագրություն», «Աշխարհագրություն», «Ֆիզիկա», «Քիմիա», «Կենսաբանություն» և «Օտար լեզու» (անգլերեն, ֆրանսերեն, գերմաներեն կամ ռուսերեն) առարկաների քննությունները հանձնում են գրավոր:
2. Քննական թեստերը կազմում է Գնահատման և թեստավորման կենտրոնը (այսուհետ՝ ԳԹԿ)՝ առնվազն 4 թեստ յուրաքանչյուր առարկայից՝ գնահատման 20 բալային համակարգով:
3. «Հայոց եկեղեցու պատմություն», «Հասարակագիտություն», «Ինֆորմատիկա», «ՆԶՊ և անվտանգ կենսագործունեություն» և «Ռուս գրականություն» (ռուսերենով ուսուցում ստացած դրսեկների համար) առարկաների քննությունները հանձնում են բանավոր: «Ֆիզկուլտուրա» առարկայի քննության անցկացման եղանակը նորմատիվների հանձնումն է: Քննական հարցատոմսերը կազմում են էքստեն լի քննություններ ընդունող դպրոցի (այսուհետ՝ Դպրոց) համապատասխան մեթոդական միավորումները՝ առնվազն 10 հարցատոմս յուրաքանչյուր առարկայից, գնահատման 10 բալային համակարգով:

4. Միջնակարգ կրթության ատեստատ ստանալու համար դրսեկները 2021 թվականի փետրվար–մարտ քննաշրջանի ընթացքում «Համաշխարհային պատմություն», «Ֆիզիկա», «Քիմիա», «Կենսաբանություն», «Աշխարհագրություն», և Օտար լեզու (անգլերեն, ֆրանսերեն, գերմաներեն կամ ռուսերեն) առարկաների քննությունները հանձնում են գրավոր:

5. Քննական թեստերը կազմում է ԳԹԿ-ն՝ առնվազն 4 թեստ յուրաքանչյուր առարկայից՝ գնահատման 20 բալային համակարգով:

6. «Հայոց եկեղեցու պատմություն», «Հասարակագիտություն», «Ինֆորմատիկա», «ՆԶՊ և անվտանգ կենսագործունեություն» և «Ռուս գրականություն» (ռուսերենով ուսուցում ստացած դրսեկների համար) առարկաների քննությունները հանձնում են բանավոր: «Ֆիզկուլտուրա» առարկայի քննության անցկացման եղանակը նորմատիվների հանձնումն է: Քննական հարցատոմսերը կազմում են Դպրոցի համապատասխան մեթոդական միավորումները՝ առնվազն 10 հարցատոմս յուրաքանչյուր առարկայից՝ գնահատման 10 բալային համակարգով:

7. Դրսեկության ձևով (ավարտական՝ ուսումնական պլաններով նախատեսված առարկաներից) քննությունները դրսեկները հանձնում են համաձայն հավելված 2-ի:

8. Հարցատոմսերով կազմակերպվող բանավոր քննությունների անցկացման ժամանակ յուրաքանչյուր դրսեկ վիճակահանությամբ ստանում է առանձին առաջադրանք (հարցատոմս): Դրսեկը, բանավոր քննություններին նախապատրաստվելիս կարող է կատարել գրավոր համառոտագրում:

9. Դրսեկության ձևով քննությունների արձանագրությունները և գրավոր աշխատանքները պահպանվում են Դպրոցում, ավարտական փաստաթղթերը ստանալուց հետո՝ մեկ տարի:

10. Հիմնական կրթության վկայականում և միջնակարգ կրթության ատեստատում ավարտական և պետական ավարտական քննական առարկաները գնահատվում են 20 բալային համակարգով, իսկ տարեկան գնահատականները նշանակվում են՝ 20 բալային համակարգից գնահատականները վերածելով 10 բալային համակարգի: Բանավոր քննությունները գնահատվում են 10 բալային համակարգով և համարվում են տարեկան գնահատականներ:

11. Գնահատականները գրանցելիս գնահատման 20 բալային համակարգից 10 բալային համակարգին անցման համապատասխանությունը կատարվում է համաձայն աղյուսակ 1-ի:

12. Դրսեկության ձևով (էքստեռն) ավարտական քննությունները կազմակերպելու և անցկացնելու գործընթացը համակարգում է Հայաստանի Հանրապետության կրթության, գիտության, մշակույթի և սպորտի նախարարությունը:

13. Դրսեկության ձևով (էքստեռն) ավարտական քննությունները կազմակերպվում են «Դրսեկության ձևով (էքստեռն) փոխադրական և ավարտական քննություններ կազմակերպելու» կարգի և սույն աշխատակարգի պահանջների համաձայն:

Աղյուսակ N 1

8-9 միավոր – 4	16-17 միավոր–8
10-11 միավոր– 5	18-19 միավոր-9
12-13 միավոր– 6	20 միավոր-10
14-15 միավոր – 7	

Հավելված N2

Կրթության, գիտության, մշակույթի

և սպորտի նախարարի

2021թ. N հրամանի

ԺԱՄԱՆԱԿԱՅՈՒՅՑ

**ՀԻՄՆԱԿԱՆ ԿՐԹՈՒԹՅԱՆ ՎԿԱՅԱԿԱՆ ՍՏԱՆԱԼՈՒ ՀԱՄԱՐ
ԴՐՍԵԿՈՒԹՅԱՆ ՁԵՎՈՎ ՔՆՆՈՒԹՅՈՒՆՆԵՐԻ ԿԱԶՄԱԿԵՐՊՄԱՆ
(2020 ԹՎԱԿԱՆԻ ՓԵՏՐՎԱՐ-ՄԱՐՏ ՔՆՆԱՇՐՋԱՆ)**

	Առարկա	քննության անցկացման եղանակը	քննությունների անցկացման օրերը
1.	Ֆիզկուլտուրա	նորմատիվների հանձնում	15.02.2021թ.
2.	Հայոց եկեղեցու պատմություն	բանավոր	16.02.2021թ.
3.	ՆԶՊ և անվտանգ կենսագործունեություն	բանավոր	17.02.2021թ.
4.	Հասարակագիտություն	բանավոր	19.02.2021թ.
5.	Ինֆորմատիկա	բանավոր	22.02.2021թ.
6.	Հայաստանի աշխարհագրություն	գրավոր	23.02.2021թ.
7.	Կենսաբանություն	գրավոր	25.02.2021թ.
8.	Համաշխարհային պատմություն	գրավոր	26.02.2021թ.
9.	Ֆիզիկա	գրավոր	01.03.2021թ.
10.	Քիմիա	գրավոր	02.03.2021թ.
11.	Օտար լեզու (անգլերեն, ֆրանսերեն, գերմաներեն)	բանավոր	03.03.2021թ.
12.	Աշխարհագրություն	գրավոր	05.03.2021թ.
13.	Ռուսաց լեզու	գրավոր	10.03.2021թ.
14.	« Ռուս գրականություն » (ռուսերենով ռուսացում ստացած դրսեկների համար)	բանավոր	12.03.2021թ.

*Քննությունների սկիզբը՝ ժամը 13:00-ին:

ԺԱՄԱՆԱԿԱՑՈՒՅՑ

**ՄԻՋՆԱԿԱՐԳ ԿՐԹՈՒԹՅԱՆ ԱՏԵՍՏԱՏ ՍՏԱՆԱԼՈՒ ՀԱՄԱՐ ԴՐՍԵԿՈՒԹՅԱՆ ՁԵՎՈՎ
ՔՆՆՈՒԹՅՈՒՆՆԵՐԻ ԿԱԶՄԱԿԵՐՊՄԱՆ
(2021 ԹՎԱԿԱՆԻ ՓԵՏՐՎԱՐ - ՄԱՐՏ ՔՆՆԱՇՐՋԱՆ)**

	Առարկա	քննության անցկացման եղանակը	քննությունների անցկացման օրերը
1.	Ֆիզկուլտուրա	նորմատիվների հանձնում	15.02.2021թ.
2.	Հայոց եկեղեցու պատմություն	բանավոր	16.02.2021թ.
3.	ՆԶՊ և անվտանգ կենսագործունեություն	բանավոր	17.02.2021թ.
4.	Հասարակագիտություն	բանավոր	19.02.2021թ.
5.	Ինֆորմատիկա	բանավոր	22.02.2021թ.
6.	Համաշխարհային պատմություն	գրավոր	23.02.2021թ.
7.	Ֆիզիկա	գրավոր	25.02.2021թ.
8.	Քիմիա	գրավոր	26.02.2021թ.
9.	Օտար լեզու (անգլերեն, ֆրանսերեն, գերմաներեն)	գրավոր	01.03.2021թ.
10.	Կենսաբանություն	գրավոր	02.03.2021թ.
11.	Աշխարհագրություն	գրավոր	03.03.2021թ.
12.	Ռուսաց լեզու	գրավոր	05.03.2021թ.
13.	«Ռուս գրականություն» (ռուսերենով ուսուցում ստացած դրսեկների համար)	բանավոր	10.03.2021թ.

*Քննությունների սկիզբը՝ ժամը 11:00-ին: